

7.3 BIDE PUBLIKOAN MAHAIK, AULKIAK ETA ABAR JARTZEAGATIK ORDAINDU BEHARREKO TASAK.**I. FUNTSA ETA IZAERA****1. artikulua**

Arabako Lurralde Historikoko Toki Ogasunak arautzen dituen uztailaren 19ko 41/1989 Foru Arauaren 20. eta 55. artikuluetan xedatutakoaren ildotik ezartzen ditu Gasteizko Udalak "bide publikoan mahaiak, aulkiak eta abar jartzeagatik ordaindu beharreko tasak" —orobat aintzat harturik Auzitegi Konstituzionalaren abenduaren 14ko 185/1995 epaia eta uztailaren 13ko 25/1998 Legea—, eta ordenantza fiskal honetan arautzen; bertan aurreikusi gabekoetan, berriz, Zergen eta zuzenbide publikoko beste diru-sarrerara batzuen kudeaketa, zerga-bilketa eta ikuskaritzari buruzko ordenantza orokorrean xedatutakoa aplikatuko da.

II. ZERGA-EGITATEA**2. artikulua**

Bide publikoko lurzorua ustiapen berezia —terrazak instalatuz, itxiturarekin nahiz itxiturarik gabe— izango da tasa honen zerga-egitatea. Horri dagokionez, hauek joko dira terrazatzat: mahaiz, aulki edo besaulkiz eta bestelako edozein altzari mugikor eta desmontagarri —eguzkitakoak, estalkiak, alboko babesak, klimatizazio tresnak, loreontziak eta antzekoak, publizitate elementuak eta antzeko erabilera dutenak, eta abar— osatutako instalazioak.

Mahai batek eta binaka aurrez aurre jarritako lau aulkik osatuko dute mahai-aulki multzoa. Mahaien gehieneko neurriak hauek izango dira: 60 zentimetroko diametroa edo 80 zentimetro luze bider 60 zentimetro zabal; mahai-aulki multzo bakoitzaren okupazio-azalera teorikoa, berriz, 1,80 x 1,80 metro.

III. SUBJEKTU PASIBOA ETA ERANTZULEAK**3. artikulua**

Arabako lurralde historiko Zergen Foru Arau Orokorraren 35. artikulua 3. atalean aipatzen diren pertsona fisiko eta juridikoak nahiz erakundeak izango dira zerga honen subjektu pasiboak, zergapeko gisa, eta, bereziki, lizentzia ematen zaien pertsona edo erakundeak, baita behar zen baimena izan gabe ustiapen horri etekina ateratzen diotenak ere. Bide publikoa hartzen duten establezimenduen jabe edo titularrak egongo dira behartuta ordaintzera, modu solidarioan.

IV. TARIFAK**4. artikulua**

Tarifa hauen arabera zehaztuko dira zerga-kuotak:

1. Mahaitxoak jartzea, kalearen kategoriaren arabera –ikus ordenantza fiskal honen eranskina–:

Kalearen kategoria	Bakoitzeko, urte osoko baimena
	2020
1	92,72 euro
2	77,27 euro
3	56,66 euro
4	36,06 euro

2. Aldi baterako itxitura duten terraza eta mahaitxoak:

Kalearen kategoria	Bakoitzeko, urte osoko baimena
	2020
1	185,44 euro
2	154,53 euro
3	113,32 euro
4	72,11euro

Oharra: Aldi baterako itxitura duten lehenengo lau mahai-aulki multzoengatik bati dagokion kuota ordainduko da.

3. Bide publikoan –aulkiekin nahiz aulkirik gabe– jarritako mahai baxu edo altu bakoitzeko:

Kalearen kategoria	Bakoitzeko, urte osoko baimena
	2020
1	74,17 euro
2	61,81 euro.
3	45,33 euro
4	28,85 euro

4. Haize-babesleak, gerizatzaileak, zuresiak, burdin sareak eta estalkirik gabeko antzeko instalazioak, bakoitzeko, urtean: 15,51 euro**5. Eguzkitako eta itzalkin bakoitzeko –aulki edo mahaitxoetan jarriak, 4 m²ko–, urtean: 27,39 euro.****6. Tribunak, tenpleteak, oholtzak, plataformak eta antzeko instalazioak, m²ko, egunean: 4,90 euro****7. Bide publikoan bermatutako eguzki-oihalak eta itzala egiteko antzeko instalazioak, baita abiaburua fatxadan badute ere, m²ko, urtean: 6,75 euro**

8. Publiziterako edo antzeko erabileretarako zutoin, zutabe eta antzekoak, baita interes publikokotzat jotzen badira ere, bakoitzeko, urtean: 10,53 euro

9. Establezimenduen kanpoko aldean edo kanpotik erabiltzeko moduan noiz edo noiz jartzen diren barrak, m² eta eguneko, 10,64 euro.

10. Bestelako altzariak:

1. Epigrafean ezarritako prezioak ordainduko dira, elementu bakoitzeko, kalearen kategoriaren arabera.

11. Aurreko ataletako tarifei ehuneko 20 gehituko zaie, baldin eta publizitatea badaramate.

Bide publikoaren okupazioak kategoria desberdineko kaleen zatiak hartzen baditu, edo kategoria desberdineko zatiak kale berean, horiei dagozkien tarifetatik handiena aplikatuko da.

12. Ehuneko 50eko hobaria izango dute, 1., 2. eta 3. puntuetako tasetan —mahaitxoak, aldi baterako itxitura duten terraza eta mahaitxoak nahiz mahai baxu edo altuak direla eta sortuetan— beren jarduera Erdi Aroko hirigunean garatzen duten subjektu pasiboek, eremu estrategikoa izaki hori Udalarentzat —bertako jarduna sustatzeagatik—, ordenantza honen II. eranskinean ageri diren kaleetan.

V. SORTZAPENA

5. artikulua

Ordaintzeko obligazioa egokitzen delarik sortuko da tasa, eta baimendu diren nahiz baimenduko diren okupatze aldien arabera galdatuko dira kuotak, edozein delarik ere ustiapenaren iraunaldia, edo ustiapenari ekin zitzaionetik, baldin eta behar zen baimenik gabe egin bazen.

VI. KUDEAKETA

6. artikulua

Eskatzen diren urterako emango dira baimenak, egoki bada, eta besterik gabe joko dira luzatutzat —gehienez ere hiru urte arte, salbu eta interes publikoko egoeraren batek besterik badakar berekin edo baimenaren baldintzetan aldakuntzarik gertatzen bada—, aldeetakoren batek, dela administrazioak, dela titularrak, kontrako asmorik jakinarazten ez badu, gutxienez ere luzapen-aldia hasi baino 15 egun lehenago.

Gasteizko ostalaritza establezimendu publikoetako eta horiekin parekatuetako terrazak arautzeko ordenantzan jasota dauden muga eta debekuak aintzat harturik baimendu ahal izango da terrazak eta horietako altzariak instalatzea.

Gasteizko udal administrazioak kontzeptu bakoitzari dagokion likidazioa egingo du, eta dena delako tarifaren arau partikularrei jarriki ordaindu beharko dira likidatutako kopuruak. Nolanahi ere, tasen kobrantza autolikidazio erregimenaren baliatuz gauzatzeko galdatzerik ere izango du.

VIII. ARAU-HAUSTEAK ETA ZIGORRAK

7. artikulua

Zergen alorreko arau-hausteen sailkapenari eta kalifikazioari dagozkienetan, baita kasuan kasu horiei dagozkien zigorrak zehazteari dagozkienetan ere, Arabako Zergei buruzko Foru Arau Orokorra aplikatuko da, baita Zergen eta zuzenbide publikoko beste diru-sarrera batzuen kudeaketa, zerga-bilketa eta ikuskaritzari buruzko ordenantza orokorreko arauak ere.

Xedapen gehigarria

Arrazoi sistematikoak zirela medio indarrean dauden legeetatik nahiz horiek garatzen dituzten bestelako arauetatik ordenantza fiskal honetara aldatu diren aginduak besterik gabe joko dira aldatutzat edo ordeztutzat jatorrizko lege-arau eta araudi horiek aldatzen direlarik.

Azken xedapena

Behin betiko onespeneraren erabakia ALHAOn argitaratzen den egunaren biharamunean jarriko da indarrean ordenantza fiskal hau, eta berariaz aldatu edo indargabetu arte egongo da hala.

I. ERANSKINA**Gasteizko kaleen zerrenda (tasa hau aplikatzeko)**

(Udalbatzaren 2012ko abenduaren 28ko erabakia. Abenduaren 31ko ALHAO, 151. zk.)

II. ERANSKINA**Erdi Aroko hiriguneko kaleak, 4.12. artikulua aplikatzeko.**

KALE-KODEA	KALEA	KALE-KODEA	KALEA
10	Aska kalea	2860	Kanpokale Berria
200	Anorbin kantoia	2950	Jauregi kalea
2959	Arrieta kalea	3020	Pedro Egaña kalea
500	Barrenkalea	3090	Pintore kalea
650	Bueno Montreal kalea	3130	Errege atea, bakotiak
1240	Txikita kalea	3430	San Anton plaza
3620	San Prudentzio Ikastetxeko kalea	3450	San Bartolomeko eskailerak
1110	Hedegile kalea	3490	San Frantzisko kalea
1180	Kuboa	3500	San Frantzisko Xabierkoaren kantoia
1190	Aiztogile kalea	3510	San Frantzisko aldapa
1300	Diputazio kalea, bikoitiak	3520	San Ignazio Loiolakoaren kalea, 1-25
3950	Tornu kalea	3530	San Ildefonso kalea
710	Frantzia kalea, bakoitiak	3560	San Markos kantoia
1620	Frai Zacarias Martinez kalea	3591	San Migeleko eskailerak
1640	Ahate Iturri plazatxo	3595	San Pedroko pasabidea
3890	Jesusen Zerbitzarien Fundatzailearen kalea, bikoitiak	3630	San Roke kantoia
1870	Errementari kalea	3800	San Bizente Pauleko kalea
675	Buruileria plaza	3790	San Bizente aldapa
3920	Bakardade kantoia	3650	Santa Ana kantoia
820	Harategi kantoia	3710	Santa Maria kalea
1470	Eskola kalea	3720	Santa Maria kantoia
370	Arkupeko eskailerak	3730	Santa Maria plaza
380	Arkupeko ibilbidea	3760	Santo Domingo kalea
2421	Aihotz plazako eskailerak	3830	Apaizgaitegiko kantoia
2420	Aihotz plaza	3910	Euskal Herriaren Adiskideen Elkartearen kalea
2540	Mateo Benigno Moraza kalea	4170	Goiuriko plaza
2850	Barnekale Berria	4260	Zapatari kalea

“Udalbatzak 2019ko urriaren 18an egindako bilkuran onetsitako testua. 2019ko abenduaren 27ko ALHAO, 148. zk”.